



秋澗先生大全文集卷第四十九

傳

蘇門林氏家傳

林氏其先兗州曲阜人唐季有官閩中者後復徙家
文登至遠祖府君翰蓋五世矣翰宋初用貴贈率府
率子諱文受知熙陵官至崇儀副使淮南路提無刑
獄贈領軍衛將軍生子永終屯田員外郎御史臺推
直官累階贈光祿卿永生之純字嘉父曜景祐五年
進士第釋褐主朝城簿河東犯橫隴頻於不支歸兵
恟恟欲亡去公安諭遂怙然事集并知莘縣以昇盜
有方受澶州頓立令未幾恩信大行時麥黃水盛下
醫孫陳埽岸勢危甚公朝服立潰堤上望濤頭拜禱

汝神爲靈威境賴以安改佐著作淮陽軍事判官貳
徐惠劾紀著叛獄有匿其家孥者註誤殊衆公爲辯
理多致原釋郊禮畢慶加太常博士知大名縣初天
王院五代時有韓王賜田甚廣歲久失據鄰伍以僧
妄冒致訟累寒暑不能決公按索隣券考明封畔繼
得古石記與所按昭合以田付僧令歲輸常賦民乃
稱服用丞相程公薦通判青州終得年四十有九官
至職方員外郎上騎都尉仍賜五品命服娶呂氏誥
兆縣君惠和宜家之純生三子長曰舍字虛白年十
九擢熙寧進士第性恬退以高節自信嘗有詩云世
有非常樂人無未老閑未三十以大理評事休官名
賢高其行至方之淵明初先生西遊共城愛其山水

明秀迺營葬青州府君於縣西處賢鄉古郭里母夫
人呂氏附焉自是林氏爲衛之蘇門人先生四子曰
愚曰恕曰怵曰志愚字貢元亦以節行稱宋亡至焚
香告誓不仕而歿仲弟介鄉貢進士季弟會字貫道
幼知嗜書剛正有志操由蔭補郊社齋郎初主成都
雙流縣簿令久闕攝公行縣事有能聲部內舊有漚
歲例役並水民苴治貧下苦之公乃一責資漚家理
辦仍據石代土衆免告勞頻歲大給調宿州司理叅
軍暮夜民遺火延燒行屋公出繫散置庭中比熄倉
卒際無越逸者上官村之移南京軍巡判官民有戕
其子執謀害人者按竟公至疑焉求情得白遂直其
枉改新蔡令歲大蝗獨不入縣境人謂公廉平所致

由韋城宰歷奉符縣秩滿授通直郎知蘇州常熟縣
兩浙頗年大水引溉浦口湮闕無慮三十餘所累政
謾不加省公按行故瀆率疏淪之民受賜不貲元祐
庚辰疾終蘇之公館配張氏有淑德駕部員外郎赤
之女封壽安縣君生子男四人聽通直郎西京敦宗
院博士聰摠隱皆業進士自羈邕至成人太孺陰教
爲居多聽生子五人曰巽允蒙鼎革巽次子諱正國
字德將登金大定十六年進士第終少中大夫北京
蓋使生懷遠大將軍毗陽丞諱茂字漢卿懷遠二子
曰思敬鄉貢進士曰思德潁州軍使生子芳今
任江南某府從事思敬府君之子即故衛州交鈔規
措大使諱通字子爲人丰儀脩整顏澤丹鼻隆然

如膽甯寡言笑善心計顧衛南北衝會貨財四通遂
積殖與時逐然坐籌能擇人而任故物情得而撥世
資生平喜賓客樂施予其克勤躬儉殆憂深思遠者
屢以其術事上官獲精幹稱嘗訓子珪曰林氏上世
以詩禮傳家代有聞人予惟早失怙恃生長喪亂間
以餬口計處四民末業致貽祖禰羞諸孫稍長無忘
讀書以復世範汝念茲無置府君以丙辰歲終魚行
里之私居壽六十三配宣氏衛之大家主治內務寬
健有母儀燕處榮養期頤而終享年八十有三人以
全福歸之子珪以孝義著稱能世其父業嘗任州三
務大使次子璋謹愿克家珪子永大名府平準庫使
次子元珪奉遵先訓俾之從學其次員藉啓迪乃心罔

不盡不數年起家為中書掾至元丁丑予列職太史
元來謁拜而請曰元無所肖似析薪之責固不克負
荷惟是先世行業非得名筆約而暢之將不能傳遠
而人見於後先生尚胥暨顧予以林世叙雖邈其間
而知之見而知之者班班可紀加以世姻之好故勉
為傳述之贊曰

林氏本出商姓太丁子比干以忠諫死嗣堅逃難長
林山易以定氏周衰枝葉扶疎散處中國如放之聞
於魯頹之顯於齊回以義著至以相名皆其後也繁
南安之林唐已來世為魯人豈放之苗裔耶道唐歷
宋金四百餘載間奕葉以儒顯其流風善政表表于
時者如是逮規措府君遭時艱虞家世中衰竟能適

追來孝俾盛德幽光墜而復續豈君子之澤其流淵
且長乎

南鄗王氏家傳

王氏皆王者之後春秋時王子成父者敗敵有功因
賜氏厥後子孫散落中國在晉者靈王太子後齊則
畢公高後其在陳留者齊王和之裔汲郡王氏其先
陳留陽武縣七園里人起家隴畝耕稼河陂間宋靖
康初避地徙家衛汲縣長樂鄉之白楊里遠祖金天
會間積勞至杞縣尉高祖見第五人二翁是為鳧
王氏初妣父鳧素長者聞高祖賢舍而甥焉生子男
五曰三翁四翁五翁十六翁人見其本支蕃
衍稱鳧王氏以別因之蓋不忘本也三翁贊譜叙為

二代祖生二子曰元用資穎異是為憚高祖自田舍
郎改肄士業嘗語人曰終當以筆代耕衆異其言及
長補郡掾為人英特棣棣有威儀主治曹務踔踔
厲風發明昌初節鎮參佐例朝授用薦者言迂河平
軍都日官上官倚重有黑王殿直立節度之目尋得
暴疾卒魚行里舍特年三十有八人惜其年不稱德
生經紀紳三子紀為次曹紳潛德不耀曾祖經字伯
常天稟孝愛垂髫已知事母容止如成人禮氣方嚴
內長厚喜施與志不樂祿仕雍容鄉間以德度霽一
時昆仲七人同居內外無間言以累葉不分家用饒
足其服貧施乏不掩為偏惠人有貸弗忍徵久不克
償輒折其券或來謝就復惠濟曰周急素所樂何謝

為一四家子要紫大條來取所附緡鋸以醱繫直弟
與徐誠之曰農當務實士君子帶非汝當繫悉所有
送其家女弟嫁陵氏婿下以俠犯法曾曰王氏世鮮
女妹先君所鍾愛若婿置於辟婦能免累吏捕急竟
容匿會赦嘗出郭門遇里農易菜歸曾曰農圃吾事
也墮焉取諸市可乎其人謝而去鄉黨有訟者不之
官府來求剖正為諭之曰遠親莫若邇隣同居雜處
世所未免親仁和隣古之善道初無大故何至是哉
君子愛人以德曲直非所辯曰吾儕小人聞公言敢
不易慮至相戒曰今而後不可使長者復覩吾面顏
其為一邦聽直欽服如此王氏北渡後可支分派別
者尚十餘房其親喪隨所寓摧厝曾之上世亦殯西

晉村之南阜曾慮歷年久斧封馬鼠漫不可
 吾大宗子合食族墓責實在我遂起新任大葬於長
 樂鄉第四疇祖業之北原及舉祀絕者廿餘拒贈
 率有加允內外男女孤惻無藉賴者為娶嫁之姻禮
 踰已出曾祖妣系出新中臨清關宋汲郡公呂氏之
 裔壺儀母德宗屬仰法焉生與曾祖歲月日同北兵
 破衛亦同時怖沒於家春秋七十有六實貞祐二年
 甲戌春正月十一日也百年來里中宿耆談孝愛而
 內有則者必曾為稱首生祖字字彥宇身長七尺二
 寸儀觀清淑少傳家學尤明習文法至帖問條對儀
 精理當筆洒洒無滯辭行輩無居其右者甫冠遭罹
 板蕩世業為一空奮身從事卒不失舊物雅為節度

公完顏從坦所知遇由郡掾辟刑曹孔目官祖盡心
 庶獄要本情與法應未嘗用察為明情得為喜也故
 郡中稱平至有哀矜折獄之譽類注刑統進祿弄書
 既而嘆曰後世知我罪我其此書乎生平樂誨人怡
 顏和氣不以己長格物雖童孺質問諄諄然無倦色
 有弗知未始不盡也今梁衛問由吏業而上達者半
 為門生遂以吏學授先君曰吾治獄平後嘗有顯者
 然前賢有言吏以法令為師問而可知其能與否自
 有資才非學而可此收最當默識第完之子鈞早失
 怙恃鞠育與先君等至一豆羹一粟褐必加顧恤正
 大政元四月十六日以末疾終新衛州橫堤里之寓
 館壽五十有官至敷武校尉祖妣孟氏女縣南草市

榆林坊富家姿貞順配祖德良稱既誕先考以貞祐
二年癸酉四月十六日卒於郡之故家再娶韓氏韓
宋已來世顯族有累階至司空龍圖者二十九慶寡
以健烈聞流寓勤苦保持門戶甚刀俾先君卓爾早
達祖妣資藉之方為多晚嗜道家教號妙清大元中
統庚申重九日以疾終安仁里享年七十有六越三
日祔葬玄堂祖柩之左先君諱天鐸字振之姿精敏
幼知嗜學諸弟出遊嬉獨把書不置既通大義先祖
以律學授之即能下筆條對明究情法日勤然露頭
角衆謂能大其先業元光初溫國胥公自秦移鎮新
衛尚書李特立聞其才由州戶曹掾辟權行部令史
時上以御馬賜國公圍曹取芻粟比內廩例先君曰

不可在閑則路馬既賜則公乘內廩之例客得同乎
公聞之曰王掾愛人以禮二年上黨公聞陸馬武京
為河朔藩扞分羸兵四千人假食於胙適公儲亦無
幾方風雪寒沍衆待哺問井問公府議以聞先君進
說曰張糾合義兵皆河北遺黎今飢若是不權宜以
濟殆非從便副上官意也侍郎梁耳道為肯首然當
若何曰今官義兩軍溫飽有日若以月給權輿半以
應彼急河南漕粟計不時亦至如此則客主兩不失
所行臺可其請扞兵賴以安活自是大為名叅康瑋
郎中盧芝唐字良輔芝字延所賞識曰會見驥足騰
驤一日千里也正大四年用元帥完顏公公諱訛可
煥之眉馮拔所能試京師擢吏負甲首時年二十有

六方軍國多故財賦一仰都運司經度寔擇才掾集

事即選充運司掾長先君夙夜在公泐刃餘裕都漕

李公芳字執剛承安二年進士号精政務同漕移刺吳和深加器重

吳和字景公字景先亦崇官八作司藏吏以計盜官物使高世英

受贓初不知從來事覺吏逃失所在及科罪從事師

肅執以監主為罪首抵世英死先君爭之不下至詣

憲部詰辯曰原世英情本非同謀第行盜後受賂耳

擄法議罪與元謀共犯不同高止合坐贓論且法者

固當公共師舍焉以即汝心是置法為虛器上官躓

之高竟減死論后懷金來謁先君怒斥去曰毋汚墨

我所爭者法非汝私也豐衍庫使劉濬字德源愛民

嘗從問學以卒初業以訟代不審陷名紙三十萬用是追解先

君為申理復官如初五年補睦親府掾屬皇兄荆王

判府事愛其德度深加禮遇明年秋皇太后崩制袒

免親奔仆有遠邇之限違者從府科罪時有後期者

先君請曰南渡來宗室播弱宜從寬宥王然之以為

知體園陵禮畢卒無有被劾者六年轉補戶部令史

時簿書財賦委積音紛至先君精力過人故務愈繁

志愈明氣愈厲事愈詳不煩書佐裁決如流於是風

動臺省有快吏元之譽開與初用入粟例補滿授戶

部主事壬辰天興東狩催黨往往入宮禁竊取金貝

或堅約同往以懇辭免乃切嘆曰端門不忍過其忍

聞此京城下將士爭入仔掠尋有令禁止先君偕同

志者突冒兵威撓救百餘口於南薰門下乙未歲北

還淇上尋

朝廷命斷事官耶律買奴公括諸道戶口柄用顯決
得人為急用薦者署行臺從事制以籍為定互占
它縣以死論有潞民馬醫常氏避役匿河內王帥家
事露公抵常以死意在籍沒州將且用聳動隣道先
君辯之曰常罪止於逋論死則非制書本意公怒曰
脫有誤並汝坐之反復辯明常竟獲免又王鳳翔者
告崔帥立弟益侃匿金國珍寶適萬戶喊失納國夫
人受誅公抵益等以喊失罪罪之先君曰初謀匿者
崔立今已死况罪不相及國有常憲公遂平反其事
益等至有圖像奉報之語明年秋耶律公薨曰雲中
南歸或勸為州縣曰一丘之木安足棲集遂書歸夫

來辭於齋壁以見意因號思淵老人日以經史自娛

尤嗜春秋左氏傳西漢書晚年一洗心於易嘗質問

於華陰王先生

名元礼天意進士第号王華子

曰子學有素吾試先

汝問自昔治少亂多君子寡小人衆何也先君曰豈

非天一而地二乾陽方始而陰已為之倍歟王華曰

子得之矣集歷代諸儒易說為一書題曰王氏易纂

遇朔例一占玩辭明變其應如響下至天文陰陽皇

極等學皆通習之聞一異書輒自手錄多積至千歲

卷友人劉冲曰何屹屹如是曰吾老矣為子孫計耳

歲戊戌詔試儒士時恩制寬或以乃嗣長可從師往

試先君曰吾思以義方為訓若以幸竊非常恩非所

敢聞嘗誠惓忱曰吾已錯斷不容再寒殍死無吏習

能一志於道以儒素起家吾及則瞑目矣然學貴專
精汝不見鑑瑩則乃能別物學苟不精如治鑑不明
將安用為不學易昧涉世之道不讀麟經無以見筆
削之正吾平昔行已得乎此而已丁巳秋八月以疾
終牖下先君資剛明簡重善持論慮慮深雅以大用
自期人亦以此與之控瑜懷瑾群而不矜事莫可措
手者率優為之不聲色少勤故官守游宦莫不尊德
樂道問政質疑取決而去事已率如教至吏筆縱橫
緣以儒術乃餘事耳又善尺牘作真行書勁韻有風
格與人交以取容阿匿為恥居家寡言突以身為律
度人望而畏若一官府然外事緩急不一言及家人
非疾卧未嘗見日而作三十年兩易裘褐年四十六

既奪先妣或勸再娶曰其如不可何老者繼室又先
余死是轉余於恤少者後予是吾遺累於後竟不娶
初試京師時宿院夜夢人奉一首加胃曰持此若名
也及榜出擢甲首云歲丙辰秋憚亦夢人馳報曰汝
父領朝拜且至趣出顧見先君朝服席帽乘而秉簡
一卒跳梁馬首唱云翠微君節度使后三日先君遶
疾乃以所夢上明翠微者太虛之氣夫精氣為物遊
魂為變死生者晝夜之道吾固安之復何憂與明年
捐館吁亦異哉

先妣靳氏相州永和鎮人進士子玄之孫安陽丞顯
思之女性淑善於婦道良謹生二子曰憚曰忱孫振
孫宜孫重孫韉郎贊曰

謹按家譜

六代祖昆弟五人五代祖行一十三高祖行一十五
曾祖行一十九王父行一十四禰伯叔行六人由是
而觀金百年間本支不為微眇然自喪亂來或四三
世五六世而已者凡二十有四房哀哉唯扈王氏暨
相之醫傳房歷八世而傳祀是豈偶然者哉俾觀西
漢名臣往往決曹獄史致位槐棘雖云明習文法練
達故實至論身名烜赫胤裔延昌必曰食積所至王
氏自

河平府君而下累葉以刀筆承家職司城旦遠先考
而業有光子孫迄綿綿于今視履考祥其亦有足發
然者邪

烈婦胡氏傳

劉平妻胡氏濱州渤海縣秦臺鄉田家子至元庚午
平挈胡泊二子南戍棗陽垂至宿沙河岸次夜參平
有虎虓然突來啣平左髀曳之而去胡即抽裝刀前
追可十許步及之徑刺虎劃腸而出斃焉趣呼夫猶
生曰可忍死去此若他虎復來奈何委裝車遂扶傷
勢幼涉水而西黎明及李陽堡誅於戍長趙侯為採
藥之軍中聚觀哀平之不幸嗟胡之勇烈也信宿平
以傷死趙移其事上聞得復役終身嗚呼柔懦者也
非不懼獸之殘酷正以援夫之氣激於衷而知有夫
不知有於菟也平雖死其志烈言言方之太山號婦
何壯毅哉贊曰

桓桓壯夫鷲勇而夫事出倉猝变色蜂蠆烈烈胡氏
憤物爲害義激柔衷氣薄於外視虎如鼠所天爲大
平雖啞死婦節則邁媛折熊衝蘊刃賊輩形管流徽
清芬並代

貞先生傳

貞炎字善鄉同州人性落魄嗜酒業詩有能聲不事
生產大元己亥歲故人楊紫陽主漕洛師愍其窶用
監嵩州酒時兵後邑居榛荒日與鹿豕伍非所樂也
已而隨所徵上謁楊方據按坐堂上吏覓鴈行立貞
挂布囊腋拄杖巨挺直前曰楊使君不相知置我於
此幾爲老羸所噬此汝酷蝕持取吾不能爲汝再辱
遂揖而去其疏誕如此自是長遊河朔以詩鳴諸公

間其洛陽懷古分韻得髮字云東雒打空城北邙連
廢闕懷古動悲吟遠客生華髮隆德宮云林花細安
烟脂色水荇輕於翡翠泥歌舞留連嫌晝短樓臺縹
緲覺天低謔集東平湖亭北海樽前人似玉東原城
下水如天滿眼荷華三百頃採蓮人語隔秋煙高唐
道中影孤海內干戈滿愁入天涯草樹低桑柘影空
蚕已老陂塘涸盡燕無泥濟南金線宿雨乍收雲葉
斷猶疑電影掣湖心扇尾羊云馮翊春草香羊綿柔
毛食飽飲苦泉卧沙稀助瓊筋細帶霜小耳春繭圓
扇尾一方移種類風頭萬里摧腥膻吾生本無食肉
相不煩浼手愁烹煎馬鬣云謾說千杯不醉人清光
壓倒洞庭春携行何用紫絲絡渴飲不煩烏角巾搖

動革囊成醞釀封藏花盞作逡巡坐中一混華夷俗
或有豪吞似伯倫予時能憶者止此西歸過衛先君
館焉褐衣麻履酒近酣巨挺橫膝上掉頭吟諷歌謠
慷慨之氣軒軼四座素不能騎乘人強之輒色變隋
地或以詩戲云靴有燈青雖可愛面無人色實堪怜
嘗懷金一餅曰鎮心不可以闕此後用以易妾繼為
人竊去家居壁四立餘詩藁酒瓢而已卒年六十七
復有敬牟字彥舉亦陝人面黧慘目光迷離殆鬼物
憑者少為里畜夫初不解文字一日忽能作詩吐奇
怪語皆古人所未經道雖苦無義意其豪侈詭異時
輦屬和終不能及中元冬見予於燕市酒樓殊寒色
浮大白數行徑出步壚間嚶嚶然吻作露蚓聲次羅

來坻余腕忻甚曰吾有以贈子其詩有氣凌太華五
千仞詩繞國風三百篇之句醺酣中惜不全憶也嘗
謂得楮幣若干醉過里井即投其中曰為爾俾子區
區若此奚用為其狂易如是後客死保塞殯西南門
外路北若干步揭曰詩人撒公墓詩三卷號函谷道
人集好事者刊行于世

墓誌銘

金故忠顯校尉尚書戶部主事先考府君

墓誌銘

先府君諱天鐸字振之族王氏其先陳留郡陽武縣
七圍里農家避靖康亂徙居衛汲縣長樂鄉遠祖有
積勞官把縣尉者曾祖府君諱仲英特有威望終河

平軍節度府都目官祖經諱不仕天性孝愛鄉黨化
其德顯考府君諱字衛州刑曹孔目官精文法表表
為吏學師官至敷武校尉先君少聰敏嗜李不為羣
兒嬉讀書通大義先祖授以律學即能下筆論斷推
原情法閭閻如老成人衆謂父良為教子能世其家
矣正大初自州戶曹取權行部令史時哀宗以御馬
賜行省英公圍曹取芻粟欲內廐例同先君曰在閑
則路馬既賜則公乘內駟之例非所敢知公聞之喜
曰王掾愛人以德矣上黨公閭壁馬武京為河朔聲
援以餽餉不繼間羸卒四千假食於昨適公儲亦無
部議以省聞方風雪寒洄衆待哺閭非閭先君進說
曰公府糾合兵力皆河北遺黎今飢若是不權宜以

濟殆非從便副上官意也侍郎梁亨道為肯首然當
若何曰今官義兩軍溫既有素若以月給推較半以
應彼急河南漕粟計不時至如此則客主兩不失所
可其請辱成賴以安活自是為省參康瑋郎中盧芝
所器識曰會見駁足騰驤一日千里也正大四年用
元帥完顏公薦挾所能試京師擢吏負甲首時年廿
有六方軍國多故經費一仰大農調度即選充運司
案長時李乾州芳塚按批辭進移刺吳和領漕計號
精吏務先君夙夜盡公審會明當二公稱其能入作
司吏以計盜官物使高世英受賍初不知所從未事
賁吏跳失所在及科罪從事師肅執監主為首抵吏
英死先君爭之不下至請憲部誥辯曰原世英情本

非同謀第行盜後受賂耳據法議罪與元謀共犯不
同高止合坐賍論且法者固當公共師舍焉以即汝
心是置法為虛器上官賤之高竟減死論后懷金來
謁先君怒斥去曰毋汚墨我所爭者法非私汝也東
豐衍使進士劉澹以公代不審陷良紙三十萬是用
追解先君為伸理復官如初五年補睦親府掾屬皇
兄荆王判府事愛其德度深加禮遇明年秋皇太后
崩制袒免親奔仆有遠近限違者後府科罪時有後
期者先君請曰南渡未宗室播弱宜從寬宥王然之
以為知休國陵祀畢卒無有被劾者六年轉補戶部
令史時簿書財賦委積滯紛至先君精力過人故務
愈繁志愈明氣愈厲事愈詳不煩書佐裁決如流於

是風動臺省有快吏元康之譽開興初用入粟補若
援戶部主事壬辰天與東狩京城下將士爭入俘掠
尋有令約束先君借同志者突冒兵威禡救百餘口
於南薰門下既而北還鄉里乙未歲朝廷遣斷事
官耶律公括諸道戶口柄用顛決得人為急前省掾
李禎已佐幕府薦先君於公曰王某予弗如也遂署
行臺從事戶制以籍為定互占他縣者以死論有愛
民馬醫常氏避役匿河內王帥家帥名事露公抵常
以死意在籍沒州將用聳動隣道先君辯之曰常罪
止於逋論死非制書本意公怒曰朕有誤並汝坐之
反復辯明常竟獲免明年秋買奴公薨雲中南歸讀
書養晦以厚所待或勸治生曰非予初心也勸仕州

郡曰一丘之木安足棲集日以經史自娛尤嗜春秋
左氏傳西漢書其天文術數等學皆通習之年既加
一洗心於易嘗質問於王華子既生名元禮華大有
所得一日先生發問曰自昔治少亂多君子寡小人
衆何也先君曰豈非天一而地二乾陽方始而陰已
為之倍歟王華子曰子得之矣集歷代易說為一書
題曰王氏纂玄且見吾遐世無悶也歲戊戌詔試儒
士時恩制寬或以廼嗣長可從師取應先生口以辛
為利非敢聞命嘗庭訓惓忱曰吾已錯斷不容再寒
殍死無掾習能儒素起家其榮多矣然學貴顯精汝
不見鑑些則乃能別物學苟不精如治鑑不明將安
用為不孝易昧涉世之道不讀麟經無以見心法之

正吾平昔行已得乎此而已年四十六既奪先妣或
勸之娶曰其如不可何老者繼室又先余死是轉余
於恤少者後予是吾遺累于後竟不復娶晚節號思
淵老人邦君游宦咸慕德樂道問政質疑無巨細事
已率如教丙辰春平章趙公璧以書來聘時已疾不
克往明年丁巳秋八月十有八日考終牖下享年五
十有六官至忠顯校尉夫人靳氏相州未和人進士
子玄之孫安陽丞顯思之次女貞靜淑善先備婦道
生二子惓忱先卒用戊午春三月葬汲縣親仁鄉之
新任先妣祔焉先君資剛明簡密議論長慮惠深雅
以大用自期人亦以此與之握瑜懷瑾群而不矜其
當官宰務人莫能措手者率優為之不聲色少動外

事緩急不一言及家人至於吏筆縱橫緣以儒術乃其末耳又善尺一簡而盡書勁韻有風格作楷字日滿萬聞一異書佔畢如不及多積至千餘卷友人劉冲見之曰何自苦如是先君曰素無長物非此何以遺子孫其遠大如此所交皆一時名士以取容阿匿為恥生平非疾病未嘗見日而作三十寒暑兩易裘褐居家寡言笑以身為律度人望而畏愛若一官府然嗚呼先君呂刀筆起身垂聲當世於先業為光大惟其秉彛粹懿思效克其所未至進進焉不容自己絕不齒故冒一疇於學根極群經務明大本復旁通天人之術以濟厥用其修己應時開物成務之志是可湮際邪然時與命揆壽止於斯不獲卓犖大見於

世此憚等聆風樹而含悽履霜露而興感抱昊穹明極之氣也愀想平生鏤茲壤石庶幾慰安神靈永閔窳窳之藏銘曰

緊卷王氏世業

高曾而下掾習同

大風泱泱動南鄘

於爍先子德

一日奮起蛇化龍

樹立先業何光融

獄唯平反匪厥躬

要以明恕剛而中

廷平釋之唐有功

漢二千石世業公

剖裁錯節輸神鋒

庶幾凜凜德讓風

盧淵日入不可曠

布衣歸來然而容

春秋大易羅心膺

跡蟠於泥氣則虹

冀北一顧凡馬空

道雖人弘繫其逢

維弗卒施為世恫 兒能讀書亢吾宗

白首孰計達與通 閉門蔬水其長終

翠微之居窈以重 一債不起胡違凶

悠悠大鈞問無從 太行西峙泉流東

九原盤盤佳氣葱 菟兮歸安此新宮

先妣夫人靳氏墓

先妣縣君姓靳氏相州安陽永和鎮人永和自唐歷

宋為名縣鴻儒鉅族代擲比出靳氏其一也家故饒

財世以孝義著聞鄉里祖諱師揚字子玄舉進士

賦聲場屋間後以恩賜第授彰德府教官金百

鄂丁論人文之選者殿元為稱首以

人外祖其季也為人儀觀秀偉髯滿

喜鞍馬鞞鷹統天游獵橫漳間有河朔故家豪習嘗

官安陽丞生二女先妣其次也姨母適李氏今為既

醮王氏先祖時已歿祖母韓性貞明持門戶益嚴先

妣孝養恭順故閨門內事僅絲髮比不敢專須請之

后行祖母以是賢之非大故未嘗踰外閩姻黨有以

合二姓會諸親者先妣與馬里中諸媪至顧而不知

為誰平居課兒輩讀書傍治絲枲須夜分乃休樂聞

古人毋儀女誠及善惡與襄等事怡然有得至寤寐

思服且起愛晴陰問或早則清涼溢則霽陰輒愀然

不憚曰歲功一失憂有大於此乎不然喜津津見顏

間先妣性溫純慈祥居家婉婉多容儀無啞啞言笑

為人物不忍少傷內外諸親均無以厚平生不能易

錢物心慊慊惟恐我之負人也世方以服飾相高
珠羽耀閭閻間甚者託餘游以私謂為事先妣聞而
恥之朝夕志女功主中饋被服在躬承祀孔時嘗以
事當出乃歸而不自安者移時其幽閑貞順之德蓋
可知已歲戊申夏六月竟以憂勤致疾越明年己酉
秋七月廿有九日化于私居之適寢壽四十有五先
君識明達既失內助斷不復娶祖母憫于勤稍以內
事傳新婦推氏每取先妣婦道是訓因追悼曰汝如
醮王氏二十有五年有子有孫未嘗以三母自居矢
為婦禮勤已至矣不獲少慰劬勞而止於斯可勝痛
哉嗚呼天道悠悠報施善人果可必而恃邪故臨終
哭之慟嗚呼哀哉天安憚可罪而至此極耶追念祖
母疇昔之言隱然恫於心故茹哀銜恤於茲八年惟
是伸荼毒慰下泉發幽光而圖不朽宜銘德莫若哀
號泣涕以畢其辭銘曰
坤柔之德婉以從健而幹蠱匪婦功伯姬之卒謚以
共叔先妣柔所鍾主夫中饋成肅雖春秋承祀被
憧憧善人獲報天乃公嗚呼福壽不一逢歸咎無處
恫厥躬褊褊無憾哀送終萬家之原偃斧封泉流可
竭恨不窮

故權左司都事趙君墓銘

君諱謙字和之世為蓋州人中統元祀用薦者言以
材幹補行臺左三府提控令史二年春考政上都與
予同游居者數月用是情好日洽夏六月闔臺南還

君為中省苛留乃以都司擬之作駐冬計君佛然不
樂求亟去甚銳事業已不許信宿疽發於腦戶呻吟
無聊殆不能堪醫膏藥妄一刺而肆裂越三日予與
楊易州恕謀曰常山瘡醫麻澤民今之俞跗也適召
至若禱於院使三君儀之可一來救藥凡三往得請
踵及門中使趣去之自是內侍不出者幾浹旬後五
日夜聞君聲漸嘶執燭起視向壁卧頭岑岑不舉矣
比明氣惡達戶外憊從止一老僮驚且愚瞪不知若
何訪求知故無一人予惻然感傷冒臭惡易衣衾視
其緩急困則對榻衣寢自疾亟迄蓋棺凡五旦夜得
年五十有七實中統二年七月廿有五日也嗚呼哀
哉以義以友喪無歸責寔在我既歛詣堂中請曰吏

趙謙以官守客死禮以公給喪郎中賈君仲明憐之
官為賻緡錢千躬為護喪大都城東門郊外適表親
徐貞者至付之俾鞋載歸燕君短小精幹審於吏計
蚤歲從事課府以廉介稱杯酒間言笑啞啞殊不知
為蕭慎氏之族也木甲備者聲近趙家故以趙定氏
云銘曰

志樂而奚庸氣信而弗窮曾不知安於命而為通也
心與事揆卒與禍逢奈何乎趙公

故南塘處士宋公墓誌銘 并序

南塘處士宋公捐館之九年當強圉赤奮若歲千插
亥夫人魏氏奄棄榮養仲子繼祖等託叅卿趙君禹
卿致其命來請曰先人墓壙未克埋銘今將啓玄堂

祔安妣喪于柩之左窆有日幸吾子速銘以光率大
事某追惟維尹平生之言重以禹卿孔懷之義勉為
次序之公諱琦字子士姿秀偉有德度早能詩善談
玄深造理寫散髮揮鹿瀟洒有出塵想故中書令耶
律公一見偉其貌奇其才至贈詩稱與有柱石中原
之目遂薦為

朝廷侍從官既而歎曰吾志在長林豐草清泉白石
金馬玉堂非所樂也乃辭去中令復授以資便職亦
不就歲甲辰自雲中徙家燕都得金溝水南形勝地
十餘畝築室種樹中構堂曰麗澤碧澗秀樹景氣二
勝日以自娛教子孫為業野服高閑漠然以世
務不問也性喜賓客然無詆訐交皆一時俊人

如王慎獨之愷悌張隣野之諧傲蘊藉如揚西菴才
鑒若姚雪齋王鹿菴之品絮一世尚左山之凝重朝
右每光風霽月過其居者燕樂術衍必極歡而後去
太史公云視友知人公之行已槩可見矣夫人魏氏
有賢淑行輔承內治能遂公初心四子幼服庭訓皆
賢孝負藝學長曰紹祖少中大夫河南府路總管次
繼祖不仕次光祖侍儀法物庫使次仁祖以琴阮供
奉孫十人曾孫四女孫一十四人時節賀慶蘭芽玉
樹瑤環瑜珥秀映庭戶以次列拜上酒介壽公與夫
人亦舉觴酬酢一家之內樂融融也公以至元己巳
秋八月考終牖下春秋七十有七越明年庚午冬葬
大興縣招賢鄉之南原夫人之歿實至元十四年冬

十月廿五日也壽八十宋氏上世本蜀城都人遠祖有官吉州之吉鄉者遂為河東人曾祖元祖信考章俱有儒行不耀其幽光潛德發於公之身者宜亘赫然公復謙抑不盡享其篤祐遺其子孫至光盛如此

銘曰

名藉朝端身心考槃貞不絕俗道出夷惠之間以儒雅而擅一時儋天爵而享高年服食華鮮子孫滿前影纓若綬照耀後先沒而從祖是之謂社全我銘納壙復慰下泉千年而見白日尚知為青山白雲之僊

大元故蒙軒先生田公墓誌銘

金源氏踵唐宋舊制以舉業取士號稱文武正科大定明昌間人材輩出天下英雄盡入吾彀中南渡後

境壤感時事艱其自淵源見聞中來者多憂深思遠忠義奮發懷赴赴干城之志况其風聲氣習歌謠慷慨而有故家遺俗者哉公諱文鼎字仲德姓田氏其先京兆醴泉縣人曾祖俊正隆初董汴宮役因家太康之侯陵祖秀徙居蒙城遂占籍焉祖用御史君貴贈上輕車都尉鴈門郡開國伯妣尹氏贈鴈門郡君父芝貞祐二年進士第官至嘉議大夫鎮南軍節度副使資雅重有相望妣楊氏鴈門郡君公生而爽朗稚時已軒露頭角振觸物論為奇童嘗問學燕山張融一見即以不羈許之為人有膂力善挽彊汴京受兵得請於香林先生應募自効執政以公書生年少初不之重及觀其拳勇誠以方畧詢之宛如宿將射

敬慮無遺策以勞授武節將軍西南面元帥府總領
仍佩金符以寵異之京師飢遣公將五百人取封丘
麥既還去城遠倏千騎來襲衆欲鳥獸散公曉之曰
彼騎我步若前遮後蹂逃將安之即分爲二隊相去
各里許結陣而待戈矢外翼負者居中轉戰轉退手
先作氣敵叵測不敢迫比至城下斗麥一卒執政
才其爲命監鄭門前後出活飢民甚衆汴梁下縱民
四出護二親北渡時同發者數百家奉親外救死問
疾往來保庇不少倦如渾源劉相母洎祖母病死半
涂二子相顧號泣而莫之何公爲死塞生負兩皆得
所其處患難中自揀不暇能急人之急如此何義烈
哉遂來居相下以養親讀書爲事茶米負薪日供所

需以盡子職既而應廉訪劉汝翼辟爲幕寮官時
朝廷遠駐龍朔凡上計三往返事集而無難色歲壬
子輔國賢王定封彰德爲分地擢用賢雋特授公爲
本道課稅所經歷時持政者多不法公諫止不從即
投劾去後果敗中統初又爲叅政商挺辟署軻行臺
幕屬無幾罷歸公少負氣挺節持論高料事明義之
所在勇於必爲自視以爲一世奇士幅巾藜杖掉頭
吟諷不知去古爲遠邇惟其學高六藝名重一時邦
君時相爭以禮幣招致尚期有可爲而爲之者然以
太剛又不屑取媚於時故其抱負治具竟百不
一試晚節與西巖張彜山杜瑛以詩酒自嬉不復
談經世事矣臨終語其子復曰士之出處莫非義命

道行志通伊周不爲之泰道窮志湮顏原不爲之否
從古迄今有才不遇祿死溝壑者豈獨余哉是非所
當戚戚於吾衷也蒙軒其自號云公善作詩工書學
道麗有楷法至於丈尺大字尤極精妙云癸酉春二
月七日以疾終廣川客舍享年六十有三夫人慶陽
李氏系出唐薛王前進士司農丞無黨女共儉淑善
母道光備教子孫有法白首一節安公之貧後公八
年辛巳歲亦二月七日終於家壽六十有八生二子
一女嫁士族子復傳家學有詩聲終河間漕司從事
衍富文學通吏事由憲臺史轉補中書掾今爲禮曹
主事庶克光紹遺緒云孫六人曰伯耕曰叔耘叔耜
叔耜曰重曰某衍將以年月日舉公樞華彰南新什

再拜來請銘 雖後進嘗獲拜履慕知公爲頗詳旣
序其行已敢以生平底蘊未克展盡爲士論所痛惜
者銘之銘曰

士貴尚志趨事赴功况作而行之廼士夫之所崇矯
矯田公繫時之雄振靈脩之遠駕思從事而匪躬文
章足潤身之具才武見將領之風桓桓蔡挺明夫戰
攻解臨機而制變張國威於小戎奔走急難笑談折
衝朔漠三往冀群一空顧昌職而弗辦曾漕計之是
供政不我俾坐困簿叢寧窘澗阿肯與彼同利器百
而不一試在先生爲不逢道義蟠胸伊周是宗旣得
喪之不我與吾明爲而戚乎衷有軒曰蒙獨善固窮
閉戶讀書飲水長終人邪天邪問大鈞而無從惟子

孫之可卜見德澤之所鍾繫臺閣之就列蔚珪璋之
顯顯洄流岷北太行之東雖高深兮易位尚知爲蒙
軒先生之封

故正議大夫補史中丞王公墓誌銘 并序

至元二十六年二月丙辰辰刻正議大夫御史中丞
橫海王君以疾卒于私第正寢斂有七日其子庸彝
輩縗服纍然持事狀百拜以壙銘來懇以義以分有
不得辭者公諱復字子初初名趾麟伯其字曾祖瑜
大父松世家滄州俱隱德不仕彌府君諱昌齡金季
嘗游宦河南大梁亡起從恒山史侯參議軍府事後
以公命來攝衛朝有惠化於民惟君器識早爲經略
公所知己未冬自齊經中起君襲父職仍領州務明

年中統建元真授衛輝二州同知又明年易州而路
就陞貳摠尹君遵守成憲越先正有光至元甲子轉
官制行授朝請大夫改倅彰德路無幾以德望入爲
中書兩司郎中調議密勿宰相至以佳士

上聞魏河朔鉅鎮吏重而俗囂號難理持輟君以少
尹來治廼曰清心不如省事省事莫若先殺吏權於
是汰冗濫屏姦惡絕私謁尚德化民有李氏者珥筆
構黨持短長嚇官府張甚君發其姦杖踏之萬喙稱
快自是闔郡嚮風書葉翻香曹務爲清簡八年辛未
春自中書舍人出知歸德府府居河下流其秋水大
至環城爲海衆胥沉爲感君廼督權師浮舟楫濟民
於丘陵林木上遂相水衝循橫是疏二渠一注汜瀆

一達河故道水隨退得腴田萬頃佃貧民仍請稟粟
得萬五千石活飢殍者旣而復捷治田龍堤葛邑口
於府西以絕水患曰烏可使吾民重瀆于泉故水去
而民益親繼丁母夫人憂去職未暮

詔起君克河南道宣慰副使

國家方有事襄漢順流以成破竹之勢故軍需百色
羽書交督急於星火一責於我中間籌辦君力爲不
少時大軍復東欵五河戰力而餽乏河走凌級川不
易轉致衆艱於行君毅然以漕事自任至撞冰東下
一夕凍欵解軍威藉以振衆且服君事不辭難而害
不苟避有如此者明年超擢陝西四川道提刑按察
使尋進拜嘉議大夫行臺御史中丞用膺才選旣署

事有六蘇州應草竊以城叛者或議調急兵徑討公
曰維揚去吳纔三百里不當猝有此變恐儼人流言
激之開乘間以利賄耳與省議合遂駐兵近郊偵其
實繼發未晚已而果如料吳人得無虞而安其臨大
事處置明審例如此准甸沃壤千里公於

上前論奏宜設農司募游食者開耕屯以盡遺利若
爾非惟實內地且威剗遐陬坐銷外侮韙其議付有
司施行俄加正議大夫徙按河東山西道以事免歸
居三年竟以疾醅之遂至於斯哀哉享年六十有四
前後寵錫九十有一命官極通貴哀榮終始不為未
遇以是月壬申葬汲縣親仁鄉王尚里彌塋三昭首
沈夫人夾谷氏前公卒再娶夫人秦氏生二子曰彞

曰範範前公九月暴卒二女長安歸徒單次適趙
常曰夫人杜氏生子曰庸二子並愿而有文學皆公
所自教云日子夔曰女壽適陳氏皆先亡孫二人曰
青牛範之子一在祿公為人器量弘深有經史學善
持論識變通無贅言居養甚重周防甚謹及開物成
務當其可為推致所學惟恐不臻于極然事無巨細
率以大體中持恥近効取譽所謂以道事君者近之
至威儀柔嘉小心式訓又類夫仲山甫衛武公之行
已承旨鹿菴王公人品清峻慎許可嘗

詔公舉可執政者廼以君名進奏其經濟德業可知
已初官河東時憲府爭索隱幣以副上需分司者不
計應否悉掩為已功弊久在而不為恠至是公以前行

沒入十萬餘緡盡給之民又平陽府胥有以母喪甫
窆輒從吉執役者公曰志孝之人胡可與處廼按而
斥之其惜弊正俗又如是可書者尚多惟著其繫夫
事之重者恐亦公之志也歟銘曰

大學為道將何為俾明一德新民彛行焉而底善是
依要本平治先修齊俾明厥體用或違其在孔學非
吾知倬哉王公天秉岐自緝細行初不遺若考翼事
子肯基一日雲厦看巍巍揚歷中外厚自持柔嘉繼
則非公誰又復當用行不疑翰音登天翅屢垂越若
有物中繫維從心罔單體弗羸期於俯仰無怛怩人
或咨惜我則熙以道事君其庶幾六十四載麟儀儀
綬何若兮印何繫音夫松檟餘光輝天其或靳將後

貽俾爲清廟壁與圭奉之天門光陸離仙山東麓朝
氣霏佳城鬱鬱君所歸歿而從禰爲受釐足慰下泉
含笑嘻零落不必西州悲我銘昭昭惟昧詒

秋澗先生大全文集卷第四十九

秋澗先生大全文集卷第五十

碑

大元光祿大夫平章政事兀良氏先廟碑銘

夫人臣建非常之功垂鴻不朽者罔間存歿俱蒙顯
異如配祭大烝勒銘昆鼎謚號廟饗濯聲赫靈扶我
桓撥况三世迭將際興運依末光佐叔混一之績者哉
皇帝握乾符章先業念開濟之艱難感風雲於疇
昔爰推卹典允答元勛維元貞一年春正月己丑近
臣兀突歹奏平章政事不憐言歹言臣故父榮祿大
夫中書左丞相兼都元帥阿朮南征北伐汗馬之勞
頗効尺寸伏見與臣父差有宣力者已蒙恩獎敢
昧死以請制曰阿朮乃祖乃父自太祖朝服勞王室多樹功闕名高諸將可嘉贈謚其

在故家不得扳例於是降璽書告明庭特贈開府儀
同三司大尉并國公諡曰武宣 詔下中外咨嘆大
協輿議嗣侯不憐吉又承 命式抃且舞將即汴梁
賜第建祠樹碑昭明三代于以侈大 寵光宣揚先
美慰安神靈載德象容昭示無極乃謂翰林學士王
某以銘章爲請謹按家略序而系之以評其先世出
蒙古兀良合部遠祖程里必者爲人音吐洪亮以善
歌曲稱生幸忽都拔都衆目爲折里麻漢語深謀略
人也其三世孫合赤温拔都生二子曰哈班曰哈不
里哈班生子二長曰忽魯渾次曰速不臺
太祖皇帝在班朮納海時其父哈班嘗以群羊餉
帝中途遇盜被執忽魯渾及其弟繼至以戈刺盜殺

之餘黨逸去遂脫父難餼牽竟達於上自是昆季孝
義之名聞於朝部間

太祖朝忽魯渾拔都以善騎射充百夫長乃蠻之未
服也戰長城南率先鋒摧之彼即驚遁其弟即嗣侯
不憐吉又曾祖也

第一室曾祖府君諱速不臺初以質子入侍繼爲百
夫長壬申歲

太祖經略中夏首攻桓州城小而堅勢不易拔公匍
而先登 上壯其勇賜金幣一車歲丙子

帝會諸將於禿烈河上詢曰滅里吉部未附疇爲朕
征之公即應 詔選裨將阿你出領百人爲侯騎仍
諭以方略如其言彼果不疑弗爲備大軍至陣蟻河

上一戰而潰擒二將鼓下遂降其餘衆辛巳追滅里
吉酋長霍都與欽察戰于玉峪敗之壬午年
太祖征回回國其王委國而去命公與只別逐之及
于灰里河戰不利公駐軍河東戒其衆人焚三炬以
張軍勢其王果夜遁繼遣公將萬騎由不罕川追襲
既及逃匿海嶼則守其要害彼進退失據不旬月度
死獲珍貝不貲以獻

上諭曰速不臺枕干血戰爲我家宣力朕甚嘉尚賜
珠寶一銀鑿明年癸未請征欽察許焉遂遠轉寬定
吉海取太和嶺漸山開道出其不意至則其酋長方
聚不租河縱兵奮擊彼弗能爲計竟收其境又與幹
羅思大小寇未思老處金戰降之尋遣使奏乞以滅里

言乃蠻怯烈抗斤欽察等千九別爲一運歲甲申八
入覲驅萬馬爲贊丙戌年取撒里畏吾兒的个寺門
等部又掠西蕃邊部獲牝馬五千疋貢於朝一無私
焉歲庚寅

太宗命

睿宗循宋徽而北營取河南公亦在行道出牛頭關
遇金將合達帥步騎甚衆上問方略所便公進說
曰城邑中人過勞苦即勸厭逗撓氣墮與戰易勝是
役也大敗合達於三峰山自是金不能兵矣壬辰夏
睿宗還駐官山留公總諸道兵攻圍亦京金主比走
渡河尾敗于黃龍崗殺戰士萬人癸巳秋亦京降俘
金后妃寶器獻闕下其冬圍金主於蔡明年甲午

金亡時汴梁受兵日久歲荒民殍公下令縱其北渡
俾就樂土其骨而肉之之恩尚未忘也其年
詔諸王拔都西征上以公識兵機有膽略選為先
鋒斃八赤蠻妻子於寬吉海辛丑歲諸王拔都奉
命征兀魯思為所敗攻禿里哥城不能下奏遣公督
戰遂禽兀魯思三也烈班攻禿里哥城三日克之復
從攻馬札部聞其主怯伶兵勢張甚諸王分五道以
進公出計挑誘至鄯寧河大軍會戰不利延於下流
木浚直擣其城拔焉公以
定宗朝戊申年卒於禿烈河上壽七十有三公深沉
有謀略善於用兵勇敢無前臨大事有斷初
太祖征西夏公請行上念公久在行陣命還家省

覲它日宣力未晚復請曰君勞臣逸恐無是理
上壯而許之其忠勤類如此今以曾祖妣夫人忽臺
配二室祖都帥府君諱兀良合歹總戎府君長子也
面具英將種晚賜軍事

太祖朝憲宗方騷亂以公佐命故家付之護育及長
用保傅勞分掌宿衛辛巳苞

定宗征女直國破萬奴於遼東又佐
大王拔都征欽察兀魯思等部己酉

定宗升遐大王拔都與宗室大臣冊立

憲宗議久未決公以大義陳請即定歲壬子時

世祖皇帝在潛奉詔征西南諸夷命公總督大營

軍馬自旦當嶺入雲南境摩此二部酋首來迎降涉

金沙江所在若欄負固自守以次攻下之獨半空和
寨依山枕江下臨無地穴石引水牢未可拔規知絕
其汲道公親率精銳前薄越七日寨破勦殺無噍類
繼進師取龍首關翊

世祖皇帝入大理國城其年秋分兵取附都善闡及
烏爨之未附者前次羅部府大酋高昇集諸部兵力
拒戰大破於浪山下復收合餘燼嬰城自守城
際滇池三面皆水堅險不易攻以砲摧其北門縱火
前澗皆扞不克入乃大震鉦鼓進而作作而止使不
知所爲如是者七閱日伺彼方醉因氣靡夜五鼓潛
師躍入亂斫殺自內潰克焉先時國主段智興逃匿
昆澤併擒以獻又知未降附者遠近肅聚大爲民極

公曰弗痛爲掬刈不足以震誠之命裨將脫伯押真
率麾下掩其右合又護尉掩其左約三日捲而內向
及圍合與子阿朮陷陣擊刺禽獮草薙川谷爲一空
是亦制蠻之一奇也自是所向風靡節解不二載平
大理五城八府四郡泊烏白等蠻三十七部兵威所
加如魯魯斯阿伯等城亦來款附乙卯秋奉命出烏
蒙趨瀘江剷禿刺蠻三城宋邊將水陸駐兵來扼戰
屢交斬獲不勝計遂通道於嘉定崇慶間抵合州濟
蜀江與鐵哥帶兒合兵以雲南平定遣使獻捷於朝
且請曰西南夷漢嘗郡縣之設官料民俾同內地此
其時也允焉蒙 賜其軍銀五千兩絲段二萬四百
疋仍授銀印俾還鎮大理丙辰歲九月遣使招降交

趾留介不報冬十月進兵壓境國主陳光炳隔江列陣象騎步卒甚盛公分軍爲三隊濟江選鋒徹徹都從下渡先濟大帥居中次駙馬懷都仍受徹徹都方略曰汝軍旣濟勿與之戰彼必我逆駙馬隨斷其後蠻必潰走海汝伺便即邀其船艦定成禽矣公旣登岸即縱兵與戰選鋒違節亦來渾闔彼軍雖大壞得駕舟逸去公怒曰違律失期軍自有法徹徹都懼飲藥死遂率止郡治七日軍令靜嚴秋毫無所犯光炳震恐崩角請罪內附於是置酒高會饗軍鱗鱗屋哺血崇臺戈舡四艤而銅鼓爲寂然矣己未夏

憲宗遣使來諭旨約明年正月與卿會於長沙是秋率四王兵三千騎蠻衆萬人掠橫山寨柵關老蒼關

徇宋內地宋陳兵六萬人以俟戰盡殪所至調兵旅拒且戰且行自貴州蹂象州突入靜江府遂破辰沅直抵潭州州大出兵斷我歸路公與四王掠其後子阿木橫擊于前盡破走之公提孤軍入絕域殫智竭力同德一心轉鬪萬里前後敗殺宋兵四十餘萬州又遣兵來犯蹙之門濠掩溺無筭彼氣掃不復敢出壁城下者月餘聞

世祖皇帝駐師鄂渚尋遣曲里吉思將千人來援仍慰勞之由許黃北渡庚申夏孟飲至上都至元八年公卒享年七十有二以祖妣夫人外刺真配實生

開府公

第三室皇考開府公諱阿木資和粹行義修正沉幾

有智謀臨陣對敵英毅果決氣蓋萬人

憲宗朝癸丑歲以白衣從父都帥公征西南夷率天下精兵為候騎所向摧陷莫敢撓其鋒至平大理收諸部降交趾踐宋境無不在焉一攻一戰稟成箚致教令竭力奉親移忠為國其碎水寨掀閩城奪國君於馬湖舟指可掬索盜馬於山樛賊將生擒之又鏖戰三湘舉旗五陣是皆樹立之駿偉者也掌蒙

憲宗賞諭有阿朮未有各位挺身奉國特賜黃金三百兩以勉將來其降大任於公兆開於先者誠不偶然也中統三年秋九月自宿衛將軍拜征南都元師佩金虎符治兵于汴復立宿州至元元年秋八月詔掠地廬江入滁陽自安 府經略兩淮攻取戰獲

軍聲大振四年秋八月觀兵襄陽遂入南郡取仙人估城等柵俘生口五萬人江陵晝鎖宋人聞我旆還多掠選兩淮驍悍騎五千步萬人併力邀襄樊間公謂諸將曰若不投宿江北恐落賊便遂自安難濟江獨留精騎陣牛心山下立虛寨設疑火夜半賊果至伏發斬首萬餘級初公過襄陽駐馬虎頭山指顧漢東白河口謂諸將曰若築壘於此以斷餉道襄陽可圖也議聞於朝許焉五年九月築鹿門新城白河等堡六年七月大霖兩漢水溢宋大將夏貴范文虎相繼以兵來爭又遣兵出沒東岸林谷間公按觀兵勢謂諸將曰此虛形不可與戰旨整舟師以備新堡眾從之明日南舡果趨新堡大破之殺溺生擒者五千

獲聞艦百餘艘於是治戰艦教水軍築圍城以逼襄陽文虎率舟師來救來知府以百艘泊百丈山掣肘城役皆邀擊於灌灘敗走之裨將矮張以軍襖百舫躍入襄州尋乘輪舡順流東走公與都師整分艤戰艦以待燃薪照江兩岸如晝公追戰至櫃門關擒張餘衆盡殪是月授驃騎衛上將軍同平章事都元帥如故九年三月破樊城外郭重圍逼之襄樊兩城漢水出其間宋人植木江中鎖以鐵絙中造浮梁樊恃此爲固我以機鋸斷木斧絙燔其橋襄援旣絕公率猛士攻而拔之襄守將呂文煥懼而出降秋七月奉命掠地淮東抵維揚城下彼以千騎出戰公伏師道左佯北賊果乘之擒騎將王都統十一年正月公入

覲因陳奏兵事曰臣阿朮久在行間備見宋人兵弱於昔削平之期正在今日

上付相臣議久不決公復奏曰今

聖主臨御釋亂朝不取臣恐後日又難於今日

上喜曰卿言允契朕意 詔以兵十萬付之三月進

榮祿大夫平章政事秋九月師次郢之鹽山得生口

四人問知宋沿江九郡精銳盡萃郢江東西兩城今

欲師出其間騎兵不得護行兩岸此危道也不若取

黃家澗堡東有河口可由中拖舡入湖轉而下江便

時雨九晝夜不息公料大軍方集餽餉不繼水陸兩

間進退無據吾大事去矣遂與右丞相伯顏公議決

意前進遂拖舟達江舍攻郢而去初過郢按行舟路

徑大澤中忽騎兵千人掩至時從騎纜數十人公班馬被甲擐帶已即奮槊馳擊所向披靡彼驚馬走追斬五百餘級擒趙范二統制乙未攻沙陽新城拔之前次復州守將翟貴迎降十一月丁酉公往覘漢口兵勢時夏貴已鎖大艦扼江漢口兩岸備禦堅嚴叵犯公曰可回舟輪河口穿湖中從羊羅堡西沙武口入江甚便十二月辛亥大軍至羊羅堡攻之不克公語右丞相曰攻城下策若分軍船之半循岸西上泊青山磯下伺隙擣虛可以得志是夜雪大作黎明開霽風息公遙見南岸多露沙洲即率部曲徑渡令載馬後隨宋將程鵬飛來拒戰公橫身盪決蹀血大鏖中流敗去得舡千餘艘公登沙洲急擊攀巒闢開而

復合者數四賊小却出馬於岸遂苦戰破之追殺至鄂南門岸兵敗走夏貴聞公飛渡大驚以為從天而下引麾下兵三百艘先遁餘皆潰亂我軍乘之江水為赤羊羅堡亦拔盡得軍實右丞相議師所向或欲先取蘄黃公謂諸將曰若赴下流退無所據上取鄂漢雖遲旬時可以萬全且將士有家欲上欲下公私兩便事儻蹉跌我任其責從之水陸趨鄂焚其舡三千艘煙炎漲天兩城大恐漢陽鄂渚投兵皆降十二年正月黃蘄江等州降戊戌公率舟師趨安慶府宋殿後帥范文虎出降繼下池州宋平章賈似道督諸道兵扼蕪湖先是遣行人宋京來請和二月丁卯師次丁家洲公與右丞相議曰

且和議未定問昨我舟出彼已亂射又執我邏騎
四人宋人無信惟當進兵又曰若避似道不擊恐
已降城池今夏難守若欲實和俟渠自來作何語
徐爲思之遂與前鋒泰州觀察使孫虎臣對陣夏
貴以戰艦二千五百艘橫亘江中似道將後軍殿
時我已令諸將順江兩勢樹礮擊其中堅南軍陣
動趣我舟急進公即挺身登艦手控衝舟雷鼓大
震喊聲動天地我師掠彼舟大乎曰宋人敗矣似
道倉皇失措舳舻毀蕩尔分乍合公以小旗麾將
校率輕銳橫擊手深入宋軍大壞即回棹前走右丞
相以步騎夾岸掎之追遼百五十里殺溺死者蔽
江而下獲戰艦二百餘艘都督府圖籍符印悉爲我

有軍資器仗狼籍不勝計是日似道以輕舸東走揚
州夏貴走廬州已已無爲軍太平州和州降癸酉建
康裨將徐王榮以城降撫慰城中市不易肆

朝廷以宋重兵皆駐江都臨安倚之爲重四月甲寅
命公困守揚州甲子公次真州與南兵戰珠金沙殲
其千人獲鹽艇三千艘旣抵維揚視揚子橋河路漕
真粟以助揚之即樹柵斷其餉道宋都統姜才領馬
步二萬來爭期於必取南軍夾河爲陣公麾騎士踰
河直斫姜陣才所將多亡命叛降餘皆淮卒勁勇養
銳日久戰數合堅不能却我佯北才軍果逐之我奮
而回戈萬矢兩集彼不能支騎先道去我隨以鐵騎
蹂之追遼斬馘萬八千餘級兩淮鎮將張世傑孫虎

臣以兵萬艘駐焦山東七月辛未公登白公山革而望之舳艫連接旌旗蔽江公曰可燒而走也遂摘仇健善設者千人載以臣艦分兩翼夾射公居中合勢進擊繼以火矢著其蓬檣煙焰赫赫窘無所出先是虎臣命前舡悉沉鐵纜於江示以必死至是欲走不能前軍爭赴水死後軍闕走追至圖山獲白鷄子七百餘艘是後淮東諸城兵不敢出矣十月壬寅進拜榮祿大夫中書左丞相仍諭之曰淮南重地庭芝狡獪須卿守之時諸軍進取臨安公駐兵瓜洲彼絕應援揚不能爲後患兵不血刃而兩浙平定公控制之力爲多十三年二月乙丑夏貴舉淮西諸城來附左丞相謂諸將曰今宋已亾獨庭芝未下以外助猶多

故也若絕聲援塞饒道尚恐東走通泰假息江海乃柵揚之西北丁村拒高郵寶應糧運貯粟以備灣頭堡留屯新城用逼泰州又遣千夫長伯顏察帥甲騎三百壯灣頭兵力仍諭之曰庭芝水路旣阻必從陸出宜謹備之如丁村烽起當首尾相應斷賊歸路六月己酉姜才知高郵米運將至出步騎五千果犯丁村與我兵相抗至曉伯顏察來援所將皆牙下精兵旗幟作雙赤月大軍望其塵起連呼曰丞相來矣南軍識其幟才脫身走追殺騎兵四百步卒免者不滿百人辛卯李庭芝挾姜才東走公率兵追襲殺步卒千人僅入泰州廼築壘以守之七月乙巳朱煥以揚州降乙卯泰州守將開北門納我師執庭芝等出繼

縛戮揚州市初揚泰下公申嚴士卒不得入城致毫髮犯有武衛軍校掠民一馬即斬以徇其戮今肅賞罰信有古名將風其年九月兩淮悉平冬仲北觀現世祖皇帝於大明朝殿庭陳宋俘設大讌賀平孽宋因上奏曰是皆

陛下威德所致臣阿朮何與焉君臣慶洽雖彤弓湛露有不足喻其樂者第功行賞實實封與泰將二千戶

北三年奉

命北伐叛王昔刺木等明年凱旋繼西征至哈刺霍州以疾薨享年五十有四訃聞

上震悼久之詔諭有司曰阿朮平昔多負勤勞其靈車南還給駟馬六十疋所過供帳設奠悉大同宣寧

縣公貴而不有其位難而克任其責料敵明臨幾果聞敵所在忠勇奮發不俟嚴辨躍馬挺槊陷陣深入故士卒感服爭出死力南征北討四十年間大小百五十戰未嘗敗衄其追降生擒者皆釋而不問及暇閑暇恂恂似不能言論者謂公智信仁勇四者兼備與孫吳合云某竊嘗考昔方叔召虎爲周宣平淮夷詩人述其功績鏗鏘炳耀盪人耳目故宣王之形容與其輔佐由今觀之若神人然不過陳其車徒之盛謀猷之壯而已若夫開府公飛渡長江合勢先攻因舟於敵乘機制變間不容髮恐詩人歌功列之于雅有不足諭其美者况三世繩武爲

國虎臣身都將相功名自終越古無輩由

皇祖元戎推誠事上顯禰都帥竭力殊方開府公奮
身為國心若金石忠結人主之知功定天下之半宜
乎如營平侯展用於漢宣形圖麟閣郭汾陽輸忠於
唐室廟開秋第蓋君臣之義始終之禮自相感發固
將有以焉爾異代同德古今一時又何假魯靈獨美
龍旂之祀哉爰作樂歌以登新廟其辭曰

奕奕新廟

有血其庭

兢兢回阿

桓桓兩楹

鼎薦牲牢

罇湛玄清

三事同儀

品物具備

上交神明

下輔孝治

子孫烝烝

執爵而升

以裸以濯

乃伏乃興

優然愾然

如聞形聲

工歌祝告

載揚我武

於赫

皇祖

三聖

所向臣虜

儼景同翻

奮戈濯征

如霆如雷

溟水波澄

掃除妖氛

孰敢為抗

文昌上將

橫大利器

方叔召虎

翼戴

肇開萬宇

忠勇奮發

威懾西陲

削平南土

照映中古

於燦玉父

憬彼西夷

是懲是膺

不震不驚

雪山雲靜

鱗介肆狂

皇威載暢

破南海浪

踐騰宋境

赳赳堂堂

寔曰忠壯

兩兩翼帝

羽林壘壁

於惟顯禰

繫時英衛

師干之試

折衝萬里

笳鼓歸來

敦詩說禮

世祖再造

有慶秉鉞

負固不庭

俾往式遏

料敵制勝

如火烈烈

摧枯爍雪

江海有截

車書會同

論功推傑

元貞守文

載念忠勤

登秩錫土

光融九原

有來酣戰

意甚閑暇

醴酒臨江

投壺歌雅

斂之一堂

冷風灑灑

鐘鼓和鳴

祖考來假

宜其家世

翼翼振振

孝孫有慶

聲于廟門

嗣侯伊誰

平章政事

為子為臣

惟敬惟義

祉委祥臻

忠傳孝繼

子孫承之

垂裕罔替

秋澗先生大全文集卷第五十

卷五十一

四

Handwritten text in vertical columns, possibly bleed-through from the reverse side of the page. The text is partially obscured by a dark, textured rectangular area.

